



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/21-2-40-474-2/21**
Datum: **12.10.2021. god**

«Agencija za vodno područje rijeke Save» Sarajevo rješavajući po zahtjevu Investitora Mustafić Jasmina iz Živinica za donošenje rješenja o vodnoj saglasnosti za ispuštanje tehnoloških otpadnih voda sa lokacije servisa za održavanje i popravak motornih vozila, koji se planira graditi na zemljištu označenom k.č. broj: 410/2 K.O. Dubrave Donje, općina Živinice, na osnovu člana 109. stav (1) tačka 2., a u vezi sa članom 114. Zakona o vodama („Sl.novine FBiH“ broj: 70/06) i članom 200. stav (1) Zakona o upravnom postupku („Sl.novine FBiH“ broj: 2/98 i 49/99), **donosi**

R J E Š E N J E

o vodnoj saglasnosti

1. Investitoru Mustafić Jasminu iz Živinica daje se vodna saglasnost za ispuštanje tehnoloških otpadnih voda sa lokacije servisa za održavanje i popravak motornih vozila, koji se planira graditi na zemljištu označenom kao k.č. broj: 410/2 K.O. Dubrave Donje, općina Živinice, u skladu sa projektnom dokumentacijom:

- Glavni projekat snabdijevanja vodom i dispozicija otpadnih voda za stambeno poslovni objekat– automehaničarske radnje na parcelama k.č. broj: K.O. Dubrave Donje, općina Živinice, urađen od strane „ATRIUS PROJEKT“ d.o.o. septembar 2021. godine.

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva i čini sastavni dio ovog Rješenja, a ista se, ovjerena od strane ove Agencije, vraća podnosiocu zahtjeva na trajno čuvanje. Vodna saglasnost se donosi pod sljedećim uslovima:

- 4.1. Radove na izgradnji sistema za prikupljanje, tretman i ispuštanje otpadnih voda sa lokacije servisa za održavanje i popravak motornih vozila izvesti u skladu sa projektnom dokumentacijom iz tačke 1. dispozitiva ovog Rješenja.
- 4.2. Način ugradnje separatora i stavljanje istog u pogon uskladiti sa uputama proizvođača opreme u svim fazama.
- 4.3. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
- 4.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
- 4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
- 4.6. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkog ulja i sl.
- 4.7. Podnosilac zahtjeva je obavezan ispoštovati uslove iz Rješenja o urbanističkoj saglasnosti donesenog od strane Službe za urbanističko planiranje, komunalne, geodetske i imovinsko-pravne poslove, broj: 04/7-19-3752/2020 dana 05.04.2021. godine.

5. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnositelj zahtjeva je obavezan otkloniti nastale štete, a procijenjenu štetu nadoknaditi.
6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19 i 41/20).
7. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za građenje i započeti radovi.
8. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor Mustafić Jasmin iz Živinica se pismenim putem obratio ovoj Agenciji sa zahtjevom za donošenje rješenja o vodnoj saglasnosti za ispuštanje tehnoloških otpadnih voda sa lokacije servisa za održavanje i popravak motornih vozila, koji se planira graditi na zemljištu označenom kao k.č. broj: 410/2 K.O. Dubrave Donje, općina Živinice.

U prilogu zahtjeva podnositelj je dostavio slijedeću dokumentaciju:

- Ovjereni kopiji lične karte;
- Kopija Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-I/25-1-40-068-5/21 od 08.03.2021. godine;
- Kopija o Rješenja o urbanističkoj saglasnosti donesenog od strane Službe za urbanističko planiranje, komunalne, geodetske i imovinsko-pravne poslove, broj 04/7-19-3752/2020 dana 05.04.2021. godine;
- Glavni projekat snabdijevanja vodom i dispozicija otpadnih voda za stambeno poslovni objekat – automehaničarske radnje na parcelama k.č. broj: K.O. Dubrave Donje, općina Živinice, urađen od strane „ATRIUS PROJEKT“ d.o.o. Živinice, septembar 2021. godine;
- Revizija glavnog projekta snabdijevanja vodom i dispozicija otpadnih voda za stambeno poslovni objekat – automehaničarske radnje na parcelama k.č. broj: K.O. Dubrave Donje, Grad Živinice, urađen od strane „TZI-INŽENJERING“ d.o.o. Sarajevo, septembar 2021. godine;
- Dokaz o uplaćenju administrativnoj taksi i upravnoj pristojbi.

Nakon izvršenog uvida u dostavljeni zahtjev i dostavljenju projektnu dokumentaciju utvrđeno je: Provođenje aktivnosti na izgradnji predmetnog objekta usklađeno je sa planskim dokumentima (izdato Rješenje o urbanističkoj saglasnosti) i nije u koliziji sa interesima sektora voda, niti u prostoru zona sanitarne zaštite izvorišta vode za piće.

- Lokacija na kojoj je planirana izgradnja servisa za održavanje i popravak motornih vozila nalazi se u naselju Dubrave Donje, općina Živinice.
- Parcele na kojima se planira graditi predmetni objekat ne nalazi se u zaštitnim zonama izvorišta vode za piće, kao ni u vodnom dobru i poplavnom području vodotoka I kategorije.
- Potrebne količine vode za tehnološke potrebe će se obezbjeđivati putem javnog vodovodnog sistema;
- Oborinske otpadne vode sa predmetne lokacije će se prikupljati putem slivnika i zajedno sa zauljenim otpadnim vodama sa platoa i tehnološkim otpadnim vodama nastalim od povremenog pranja prostorija za servisiranje, kanalizacionim cijevima odvesti na tretman

do separatora ulja i naftnih derivata, te preko okna za monitoring ispuštati u bezimenu kanal, čiji je krajnji recipijent rijeka Spreča.

Projektna dokumentacija, dostavljena uz zahtjev, urađena je od strane pravnog lica „ATRIUS PROJEKT“ d.o.o. septembar 2021. godine; koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-I/25-1-40-068-5/21 od 08.03.2021. godine, te je shodno članu 114. Zakona o vodama upisivanjem broja i stavljanjem otiska pečata Agencije za vodno područje rijeke Save na projektnu dokumentaciju:

Glavni projekat snabdijevanja vodom i dispozicija otpadnih voda za stambeno poslovni objekat– automehaničarske radnje na parcelama k.č. broj: K.O. Dubrave Donje, općina Živinice, urađen od strane „ATRIUS PROJEKT“ d.o.o. septembar 2021. godine.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog Rješenja, propisani uslovi u skladu sa odredbama Zakona o vodama i Pravilnika o sadržaju, obliku, uvjetima načinu izdavanja i čuvanja vodnih akata, koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević B.Sc.ing.građ

Prilog:

- Glavni projekat snabdijevanja vodom i dispozicija otpadnih voda za stambeno poslovni objekat– automehaničarske radnje na parcelama k.č. broj: K.O. Dubrave Donje, općina Živinice, urađen od strane „ATRIUS PROJEKT“ d.o.o. Živinice, septembar 2021. godine.
- Revizija glavnog projekta urađena od strane „TZI-INŽENJERING“ d.o.o. Sarajevo, septembar 2021.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ

Dostaviti:

- Mustafić Jasmin, ul. Dubrave Donje, 75270 Živinice (sa prilogom)
- Ⓢ ISV - vodna knjiga,
- Sektor 40 - arhiva
- Oglasna ploča AVP Sava